



ZAPISNIK O RADU 35. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 01.02.2023. GODINE

Broj: 01-GV-02-179/23
Sarajevo, 01.02.2023. godine

Prisutni:

1. Mirela Džehverović, zamjenica predsjedavajućeg Gradskog vijeća
2. Dragan Stevanović, zamjenik predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika Stranke demokratske akcije
5. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“
6. Adi Škaljić, predsjedavajući Kluba gradskih vijećnika Naše stranke
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Amra Zulfikarpašić, predsjedavajuća Kluba gradskih vijećnica „Enisa Spahić-Amra Zulfikarpašić“
9. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
10. Bajro Biber, predsjedavajući Kluba gradskih vijećnika „USD-BOSS“
11. Elvedin Korora, predsjedavajući Kluba gradskih vijećnika „Korora/Skorupan“

Odsutani: Jasmin Ademović, predsjedavajući Gradskog vijeća (najavljeno odsustvo) i Mila Eminović, sekretar Gradskog vijeća (najavljeno odsustvo)

Sjednici je prisustvovala, po ovlaštenju Gradonačelnice, Aida Bajramović, rukovodilac Stručne službe za poslove kabineta i poslove Gradske uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Sjednicom je, u odsustvu Jasmina Ademovića, predsjedavajućeg Gradskog vijeća, u skladu sa članom 35. stav 3. Poslovnika Gradskog vijeća Grada Sarajeva, predsjedavala **Mirela Džehverović, zamjenica predsjedavajući Gradskog vijeća.**

Mirela Džehverović, predsjedavajući Gradskog vijeća je otvorila sjednicu u 14.05 sati, pozdravila prisutne, te konstatovala kvorum za punovažan rad i odlučivanje.

Na prijedlog **Mirele Džehverović, zamjenice predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** Zapisnik o radu 34. sjednice Kolegija Gradskog vijeća, održane 04.01.2023. godine.

Na prijedlog **Mirele Džehverović, zamjenice predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** dnevni red 35. sjednice Kolegija Gradskog vijeća, tako da glasi:

1. Priprema za održavanje 24. sjednice Gradskog vijeća Grada Sarajeva
2. Tekuća pitanja



Ad1)

Priprema za održavanje 24. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Mirele Džehverović, zamjenice predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći **zaključak**:

- 24. sjednica Gradskog vijeća će se održati u **srijedu 22.02.2023. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem u **četvrtak 02.02.2023. godine, a najkasnije u petak 03.02.2023. godine do 11.00 sati**;
- Sjednice radnih tijela, u pripremi 24. sjednice Gradskog vijeća, održat će se **od ponedjeljka 06.02. do četvrtka 09.02.2023. godine**;
- Pozivi gradskim vijećnicima za 24. sjednicu Gradskog vijeća će se uputiti u **srijedu 15.02.2023. godine**.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Prijedlog Plana rada Grada Sarajeva za 2023. godinu (skraćeni postupak), prema informaciji Gradonačelnice, **je spreman** i očekuje se da će biti uvršten u prijedlog dnevnog reda 24. sjednice Gradskog vijeća.

Nacrt Odluke o dodjeli u zakup poslovnih zgrada i prostorija Grada Sarajeva, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 24. sjednice Gradskog vijeća.

Prijedlozi odluka o priznanjima i nagradama, čiji je predlagač Komisija za izbor i imenovanja, će biti razmatrani na 24. sjednici Gradskog vijeća Grada Sarajeva, ukoliko Komisija utvrdi prijedloge za dodjelu priznanja i nagrada.

Izveštaj o aktivnostima Grada Sarajeva u oblasti međunarodne saradnje u 2022. godini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 24. sjednice Gradskog vijeća.

Nacrt Odluke o podizanju spomen-ploče Aidi Buturović, prema informaciji Gradonačelnice, **nije spreman** i neće biti uvršten u prijedlog dnevnog reda 24. sjednice Gradskog vijeća.

Program rada Pravobranilaštva Grada Sarajeva (informativni materijal) **je spreman** i bit će dostavljen gradskim vijećnicima uz poziv za 24. sjednicu Gradskog vijeća.

c. Teme koje su bile planirane za januar 2023. godine, a nisu realizovane

Prijedlog Odluke o izmjeni Odluke o podizanju spomenika bosanskom kralju Tvrtku I Kotromaniću, prema informaciji Gradonačelnice, **nije spreman** i neće biti uvršten u prijedlog dnevnog reda 24. sjednice Gradskog vijeća.

Prijedlog Odluke o davanju saglasnosti na Program rada Javne ustanove "Gradski muzeji" Sarajevo za 2023. godinu, čiji je predlagač Upravni odbor Javne ustanove „Gradski muzeji“, prema informaciji Javne ustanove „Gradski muzeji“, **je spreman** i očekuje se da će biti uvršten u prijedlog dnevnog reda 24. sjednice Gradskog vijeća.

c. Novi prijedlozi

Aida Bajramović, rukovodilac Stručne službe za poslove kabineta i poslove Gradske uprave je upoznala članove Kolegija da će za 24. sjednicu Gradskog vijeća, Gradonačelnica predložiti i sljedeće materijale:

1. Prijedlog Odluke o dopuni Kalendara obilježavanja datuma i događaja značajnih za Grad Sarajevo
2. Elaborat društveno-ekonomske opravdanosti obnove astronomske opservatorije Trebević
3. Prijedlog Odluke o izmjeni Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva
4. Prijedlog Odluke o izmjeni Budžeta Grada Sarajeva za 2023. godinu

Aida Bajramović, rukovodilac Stručne službe za poslove kabineta i poslove Gradske uprave je obrazložila da se predloženom Odlukom o izmjeni Budžeta Grada Sarajeva za 2023. godinu mijenja naziv Udruženja kome su odobrena finansijska sredstva Budžetom Grada Sarajeva za 2023. godinu, i to umjesto Udruženje „Zaboravljeni asovi kucaju na vrata“ naziv Udruženja glasi: „**Kucaju na vrata zaboravljeni asovi**“, a u skladu sa Rješenjem o upisu u registar udruženja.

Dragan Stevanović, zamjenik predsjedavajućeg Gradskog vijeća je postavio pitanje kada se planira da Grad Sarajevo postavi spomen-ploču pripadnicima Ministarstva unutrašnjih poslova i Vojne policije Armije Bosne i Hercegovine, a dodatna pojašnjenja dala je **Aida Bajramović**, rukovodilac Stručne službe za poslove kabineta i poslove Gradske uprave.

Ad 2)

Tekuća pitanja

Mirela Džehverović, zamjenica predsjedavajućeg Gradskog vijeća je podsjetila članove Kolegija da, u skladu sa Etičkim kodeksom izabranih i imenovanih funkcionera Grada Sarajeva, Gradsko vijeće ima obavezu formirati Drugostepenu žalbenu komisiju kao povremeno radno tijelo Gradskog vijeća.

Istakla je da se Drugostepena žalbena komisija formira za svaku kalendarsku godinu na način da Kolegij Gradskog vijeća Grada Sarajeva kandiduje Komisiji za izbor i imenovanja Gradskog vijeća Grada Sarajeva, članove ovog povremenog radnog tijela koje se sastoji od pet (5) članova koji dolaze iz reda istaknutih stručnjaka pravne struke, te da Komisija za izbor i imenovanja Gradskog vijeća Grada Sarajeva utvrđuje prijedlog odluke o formiranju Drugostepene žalbene komisije i upućuje ga na usvajanje Gradskom vijeću Grada Sarajeva na decembarskoj sjednici za svaku sljedeću godinu.

Mirela Džehverović, zamjenica predsjedavajućeg Gradskog vijeća je predložila da članovi Kolegija razmotre moguće prijedloge i iste dostave do kraja sljedeće sedmice, kako bi se sjednica Kolegij Gradskog vijeća mogla održati na vrijeme i prijedlozi prosljedili Komisiji za izbor i imenovanja Gradskog vijeća.

Mirela Džehverović, zamjenica predsjedavajućeg Gradskog vijeća je podsjetila da je potrebno da Gradonačelnica, za narednu sjednicu Kolegija, koja će se održati polovinom mjeseca februara, pripremi informaciju o obilježavanju 1. marta - Dana nezavisnosti Bosne i Hercegovine.

U raspravi u vezi sa izradom Poslovnika Gradskog vijeća Grada Sarajeva učestvovali su **članovi Kolegija Seid Škaljić i Vedran Dodik**, a u raspravi u vezi sa predlaganjem članova Drugostepene žalbene komisije, **član Kolegija Adi Škaljić**. Ove diskusije nisu proizvele prijedloge za zaključivanje.

Obzirom da pod ovom tačkom dnevnog reda nije bilo novih prijedloga za raspravu, **Mirela Džehverović, zamjenica predsjedavajućeg Gradskog vijeća** je zaključila sjednicu Kolegija Gradskog vijeća u 14.22 sati.

SEKRETAR GRADSKOG VIJEĆA

Mila Eminović

ZAMJENICA PREDSJEDAVALJUĆEG GRADSKOG VIJEĆA

Mirela Džehverović, s.r.